

Sentupada denter la giuventetgna da Mustér e la suprastanza communal La giuventetgna dalla vischnaunca da Mustér s'entaupa sonda, ils 25 da schaner 2025 allas 17.00 cun la suprastanza communal ella Sala Cumiera el Center Fontauna. Ei dat ina discussiun davart projects communal e regional sco era ina discussiun libra. Silsunter dat ei in puschegn pils participonts. Alla icsussiun ein tut ils giuvenils cordialmein envidai. Annunzias prendin bugen encunter entochen venderdis, ils 24 da schaner 2025 allas 14.00 sut admin@disentis.ch ni 081 920 36 36.

Suprastanza communal

Temps d'unviern – Restricziuns da carrar e mesiras da segirtad

Vias da funs, cultivaziun ed uaul Duront il temps d'unviern eis ei scumandau da carrar cun tuts vehichels sin las vias da funs, cultivaziun ed uaul. Quei scamond vala mintgamai naven dils 15 da december entochen la fin da mars, respectivamein naven dil mument che las vias ein cuvretgas cun neiv. Rumir vias ei scumandau.

Sendas da viandar d'unviern e sendas da gianellas Las sendas da viandar d'unviern sco era las sendas da gianellas (marcadas rosa) vegnan pridas en funcziun e mantenidas naven digl εμπrem da december 2024 entochen Pastgas 2025. Il bandunar sendas da viandar d'unviern e rutas da gianellas signalisadas, ni vias rumidas da neiv e tut semover ordeifer la zona da baghegiar succeda sin atgna responsabladad. Serradas da sendas, rutas e vias ein ligiontas per tuts e ston vegnir observadas (art. 6 e 10 dalla lescha davart l'organisaziun en cass da crisa).

Naven dall'entschatta december vegn il stan actual davart l'avertura da sendas da viandar d'unviern e sendas da gianellas communicaus silla pagina d'internet vias.disentis.ch Nus supplichein da prender enconuschientscha da questas directivas e giavischein in bi temps d'unviern. Bien engraziament per la capientscha ed observaziun.

Direcziun communal Disentis/Mustér

Auguris alla fin digl onn 2024

Engraziel fetg per Vies sustegn e Vossa confidonza

«Nuot sin quest mund ei aschi stimolont, sco rir e buna luna.» En num dalla suprastanza communal engraziel jeu cordialmein a tuttas personas ch'ei s'engaschadas en ina u l'autra fuorma pil beinstar communal. Plinavon engraziel jeu per Vies grond sustegn e Vossa confidonza demussada enviars la suprastanza communal. Vies sustegn dat a nus anim, energia e forza da s'engaschar vinavon cun motivaziun, perschuasium e cun plascher per in bien svilup da nossa vischnaunca. In cordial e sincer «Dieus Paghi» allas collaboraturas ed als collaboraturas per lur grond e fideivelengaschien survetsch pil beinstar general, per nus tuts. Communablamein ed ensemen. Cun perschuasium, curascha e tschaffen – in cun l'auter ed in per l'auter, per nossa vischnaunca, per nossa regiun. Cuminonza dat speranza e svilup. En quei senn giavischel jeu aVus tuts, preziadas vischinas, stimai vischins, da cor bialas e benedidas fiastas da Nadal el ravugl da Vossa famiglia e pigl onn niev buna sanadad, bia plascher e cuntentientscha.

En num dalla suprastanza communal René Epp, president communal

Temps da spurtegl sur Nadal e Daniev

L'administraziun communal resterà serrada naven da **mardis, ils 24 da december 2024 entochen gievgia, ils 2 da schaner 2025.**

Naven da venderdis, ils 3 da schaner 2025 vala puspei il temps d'avertura usitau. Nus giavischein ina biala fiasta da Nadal ed in bien e sanadeivel onn 2025.

Administraziun communal

Cumissiu da baghegiar – remplazzament d'in commember

Muort igl engaschi dad Urban Maissen tier igl uffeci da baghegiar basegna ei in niev commember per la cumissiu da baghegiar. Persunas interessadas da collaborar ella cumissiu da baghegiar durant la perioda d'uffeci 2025-2028 ein supplicadas d'annunziar lur interess entochen ils 3 da schaner 2025 alla suprastanza communal, caum postal 57, 7180 Disentis/Mustér. Per ulteriur sclariment stattan il gerau Wendelin Jacomet (traffic@disentis.ch) ni il menader digl uffeci infrastruttura e baghegiar Ervin Maissen (tel. 081 920 36 45 ni infra@disentis.ch) bugen a Vossa disposiziun.

Suprastanza communal

Center da rimnada a Raveras

Temps d'avertura sur Nadal e Daniev

Mardis, ils 24 da december 2024

Mardis, ils 31 da december 2024

Gievgia, ils 2 da schaner 2025

resta il center da rimnada a Raveras serraus. Ils ulteriurs dis ei il center aviartssco usitau. Bien engraziament per Voss'enconuschientscha.

Uffeci da baghegiar ed infrastruttura

Mortori

Columbin Manetsch, naschius ils 18 da fenadur 1953, morts ils 16 da december 2024

Administraziun communal

Cantar dils retgs 2025

Ils sogns Retgse las sontgas Reginas dalla tschunavla e sisavla classa da Mustér semettan era uonn sin via per visitar ils habitonts dalla vischnaunca. Els/ellas speran d'astgar legrar e delectar biars cun lur viseta e cant. Lur tur entscheivan els/ellas mintgamai allas 15.00. Ina gronda part dil recav va en favur dall'uniun Hörschatz – in'uniun che datageniturs che han ina malsogna incurabla la pus seivladad da registrar in'audiobiografia pils affons che stattan anavos (hoerschatz.ch). L'autra part va en favur dallas scolaras ed ils scolars dalla scola populara Mustér.

Gievgia, ils 2 da schaner 2025 gruppa 1: Cavardiras, Pardomat, Madernal, Faltscharidas, Sontget gruppa 2: S. Gions, Catins, Raveras, Giudem Cons gruppa 3: Via Dulezi, Via Pervenda, Cuppa, Funs-Dadò

Venderdis, ils 3 da schaner 2025 gruppa 1: Carcarola, Davos-Mustér, Via Sursilvana, Via Cavardiras, Suls Orts gruppa 2: Mumpé-Medel, Clavaniev, Caschuarz, Latis, Cons-su gruppa 3: Mumpé-Tujetsch, Acletta, ca. 18.30 cantar el vitget dalla REKA, Funs naven dallas 19.00 cantar ellas ustrias part 1

Sonda, ils 4 da schaner 2025 gruppa 1: Acla da Fontauna, Sax, Cuoze, Buretsch, Via Denterpraus gruppa 2: Peisel, Segnas gruppa 3: Disla, Chischliun, Scaletta 19.00 cantar duront messa en baselgia a Segnas naven dallas 20.00 cantar ellas ustrias part 2

Dumengia, ils 5 da schaner 2025 11.00 cantar duront messa a Mumpé-Medel ca. 15.00 viseta e cantar ella casa PUNTREIS gruppa 1: Via da Scola gruppa 2: Gonda, Via S. Gada gruppa 3: Cons-sut, Via da Scola 17.00 devoziun en baselgia s. Gions e cantar 18.30 cantar duront messa en baselgia da Nossadunna

Evang.-Ref. Kirchgemeinde Cadi

Canzuns da Nadal, mardis, ils 24 da december, 17.00, sera Sontga cun canzuns da Nadal. Cun Pfr. Christoph Zingg e musica: Regina Willms

Rockin' round the Christmas Tree – disco 2024, gievgia, ils 26 da december 2024

Beinvegni e bar allas 19.30, sault naven dallas 20.00 entochen ca. las 23.30–Center Aua Viva. «Rockin' around the Christmas Tree» ei ina disco da Nadal denter la Glisch dalla Pasch, pigniel e stalla da Nadal cun musica da Nadal dils onns 60-90. «Midlife-Party» cun bar che envida era per star da cumpignia.

Rockin' round the Christmas Tree Midlife-Party, Donnerstag, 26. Dezember 2024

Empfang und Bar ab 19.30 Uhr, Tanz ab 20 Uhr bis ca. 23.30 Uhr – Gemeindezentrum Aua Viva. «Rockin' around the Christmas Tree» ist eine Weihnachtsdisco zwischen Christbaum, Krippe und Friedenslicht mit Weihnachtssongs aus den 60-ies bis 90-ies. Eine richtige «Midlife-Party» mit Bar, welche Erfrischungen und zu Verschnaufpausen einlädt.

Heiliger Abend mit Weihnachtsliedern Dienstag, 24. Dezember, 17 Uhr, Heiliger Abend mit Weihnachtsliedern mit Pfr. Christoph Zingg und Musik: Regina Willms

Biblioteca populara Disentis/Mustér e contuorn
Adatg!

Muort in'occurrenza interna resta la biblioteca serrada venderdis, ils 20 da december 2024. Bien engraziament per Vossa capientscha. Wegen internen Anlasses bleibt die Bibliothek Freitag, 20. Dezember 2024, geschlossen. Wir danken für Ihr Verständnis.

Il team dalla biblioteca

Aperitiv alla midada digl onn

Nus havein il plascher d'envidar la populaziun sco era ils secundindigens (proprietaris da habitaziuns secundaras) dalla vischnaunca Disentis/Mustér ad in aperitiv da Silvester/Daniev sonda, ils 28 da december 2024 naven dallas 16.00 en halla Cons. Igl aperitiv vegn offerius cun sustegn dalla vischnaunca. Nus selegrein sin stedia participaziun ed in interessant ed inspiront scomi da meinis.

Cuminonza d'interess da proprietaris da habitaziuns secundaras Interessengemeinschaft
Zweitwohnungseigentümer Disentis

Societad da musica Mustér

Concert da Nadal ensemen cun la Societad da musica Sedrun, sonda 21-12-2024 allas 20.00 en baselgia S. Gions a Mustér. Silsunter stiva da caffè en halla Cons Mustér. Dumengia 22-12-2024 allas 17.00 en baselgia S. Vigeli a Sedrun.
